

CONSEYERÍA D'EDUCACIÓN

Resolución de la Conseyería d'Educación pola que se convoquen los Premios Estraordinarios a la Conocencia de la Llingua Asturiana y del Eonaviegu na Educación Secundaria Obligatoria y Bachilleratu del añu 2025 nel Principáu d'Asturies y s'autoriza'l gastu destináu a conceder una ayuda a quien llogren el premiu.

FUNDAMENTOS DE DERECHU

L'Estatutu d'Autonomía del Principáu d'Asturies establez nel so artículo 4 que'l bable va gociar de protección y que van haber que promover el so usu, el so espardimientu nos medios de comunicación y la so enseñanza, respetando, en tou casu, les variantes locales y la voluntariedá nel so aprendizamientu. Amás nel artículo 10.1.21 señálase como competencia esclusiva del Principáu d'Asturies el fomentu y protección del bable nes sos diverses variantes.

La Llei 1/1998, de 23 de marzu, d'usu y promoción del bable/asturianu establez nel so artículo 10 que'l Principáu d'Asturies va garantizar la enseñanza del bable/asturianu en tolos niveles y graos, respetando, sicasí, la voluntariedá del so aprendizamientu.

Amás, la Llei 1/1998, de 23 de marzu, señala nel so preámbulu que los oxetivos persiguíos refiérense al fomentu, la protección, el caltenimientu y el bon usu del bable/asturianu y del gallego-asturianu, quier dicise, de la llingua asturiana o, nel so casu, del eonaviegu, denominaciones de l'Academia de la Llingua Asturiana, institución del Principáu d'Asturies encargada de la so estandarización y normativización.

Nesti sentíu'l nuestro ordenamientu xurídicu nun se limita a regular l'usu o la protección del so patrimoniu llingüísticu, sinón qu'esixe una acción dinamizadora d'impulsu, investigación y recuperación efectiva.

Nesti sentíu, nos antecedentes de la Resolución de 31 de mayu de 2024, de la Conseyería d'Educación, pola que s'aprueben les bases reguladores del procedimientu de concesión de los Premios Estraordinarios a la Conocencia de la Llingua Asturiana y del Eonaviegu na Educación Secundaria Obligatoria y Bachilleratu, establezse qu'ente les actuaciones que se consideren más eficaces pa la meyora del prestixu de les enseñances non universitaries y pa la meyora del esfuerciu personal del alumnáu y el fomentu de la igualdá d'oportunidaes basada nos principios de la xusticia social figuren los premios estraordinarios que s'otorguen a estudiantes de les distintes etapes educatives pa reconocer el so esfuerciu, la so dedicación y el so compromisu cola meyora de la sociedá que procura l'éxitu educativu, tanto a títulu individual como colectivu por aplicación del aprendizamientu vicariu o social.

Por too esto, vistos l'artículo 38 de la Llei 6/1984, de 5 de xunetu, del Presidente y del Conseyu de Gobiernu del Principáu d'Asturies, los artículos 32 a 34 de la Llei 2/1995, de 13 de marzu, sobre Réxime Xurídicu de l'Alministración del Principáu d'Asturies, l'artículo 8 del Decretu llexislativu 2/1998, de 25 xunu, pol que s'aprueba'l testu refundíu de réxime económicu y presupuestariu del Principáu d'Asturies, el Decretu 71/1992, de 29 d'ochobre, pol que se regula'l réxime xeneral de concesión de subvenciones del Principáu d'Asturies, la Llei 38/2003 de 17 de payares, Xeneral de Subvenciones, el Real Decretu 887/2006, de 21 de xunetu, pol que s'aprueba'l Reglamentu de la Llei 38/2003, de 17 de payares, Xeneral de Subvenciones, el Decretu 50/2025, de 29 d'abril, pol que s'establez la estructura orgánica básica de la Conseyería d'Educación, amás de la Resolución de 21 de mayu del 2025, de la Secretaría Xeneral Técnica de la Conseyería d'Educación, pola que se deleguen competencies en dellos órganos de la Conseyería,

RESUELVO

Primero.- Aprobación de la convocatoria.

Aprobar la convocatoria de los Premios Estraordinarios a la Conocencia de la Llingua Asturiana y del Eonaviegu na Educación Secundaria Obligatoria y Bachilleratu correspondiente al añu 2025 nel Principáu d'Asturies. Esta convocatoria va rexise polo estableció na Resolución de 31 de mayu del 2024, de la Conseyería d'Educación del Principáu d'Asturies, pola que s'aprueben les bases reguladores del procedimientu de concesión de los Premios Estraordinarios a la Conocencia de la Llingua Asturiana y del Eonaviegu na Educación Secundaria Obligatoria y Bachilleratu, y polo estableció nesta resolución de convocatoria.

Segundo.- Autorización del gastu.

Autorizar el gastu de 3.000,00 euros (tres mil euros) con cargu a la partida presupuestaria 16.03.422P.482.033 -«Premios a la escelencia educativa»- de los Presupuestos Xenerales del Principáu d'Asturies pal 2025.

Tercero.- Oxetu y ámbitu d'aplicación.

L'oxetu d'esta resolución ye convocar los Premios Estraordinarios a la Conocencia de la Llingua Asturiana y del Eonaviegu na Educación Secundaria Obligatoria y Bachilleratu correspondiente al añu 2025 nel Principáu d'Asturies, que se van conceder en réxime de concurrencia competitiva, d'alcuerdu a lo estableció n'Anexu I de la Resolución de 31 de mayu del 2024, de la Conseyería d'Educación, pola que s'aprueben les bases reguladores del procedimientu de concesión de los Premios Estraordinarios a la Conocencia de la Llingua Asturiana y del Eonaviegu na Educación Secundaria Obligatoria y Bachilleratu.

Cuarto.- Requisitos de los candidatos y de les candidates.

Va poder participar na convocatoria anual correspondiente de los Premios Estraordinarios a la Conocencia de la Llingua Asturiana y del Eonaviegu na Educación Secundaria Obligatoria y Bachilleratu l'alumnáu que cursa los sos estudios en cualquiera de los centros docentes allugaos nel ámbitu territorial del Principáu d'Asturies y que cumpla estos requisitos nel añu 2025:

a) Tar cursando 3.º o 4.º d'Educación Secundaria Obligatoria o 1.º o 2.º de Bachilleratu.

b) Cursar la materia Llingua Asturiana y Lliteratura nos ámbitos territoriales de la llingua asturiana y del eonaviegu.

Quinto.- Instrucción y resolución del procedimientu de concesión.

1. El Serviciu d'Ordenación Académica y Evaluación Educativa, de la Dirección Xeneral d'Inclusión Educativa y Ordenación (Conseyería d'Educación), va ser l'órganu xestor encargáu de la instrucción del procedimientu de concesión de los Premios Estraordinarios a la Conocencia de la Llingua Asturiana y del Eonaviegu na Educación Secundaria Obligatoria y Bachilleratu del añu 2025; la consejera d'Educación, a propuesta del xuráu encargáu d'aplicar, evaluar y calificar la prueba, va resolver la so concesión.

2. El procedimientu de concesión va tramitase en réxime de concurrencia competitiva, cola valoración pol xuráu de los exercicios que conformen la prueba, cola mira d'establecer una prelación y axudicar los premios a aquellos persones que sacaren más calificación.

Sesto.- Fases del procedimientu.

Los Premios Estraordinarios a la Conocencia de la Llingua Asturiana y del Eonaviegu na Educación Secundaria Obligatoria y Bachilleratu van desenvolvese en dos fases:

a) Fase de centru docente, onde tolos procesos van desenvolvese nos mesmos centros docentes.

b) Fase final, onde van participar los alumnos y alumnes que superen la fase de centru.

Séptimo.- Número y dotación de los premios.

1. Nesta convocatoria va poder otorgase na fase final, en réxime de concurrencia competitiva, un premiu pa la categoría de 3.ª y 4.ª d'Educación Secundaria Obligatoria, con dos modalidaes, en Llingua asturiana y n'Eonaviegu, y otru pa la categoría de Bachilleratu, tamién con dos modalidaes: Llingua Asturiana y Eonaviegu. Amás establezse un accésit por etapa na modalidá de Llingua Asturiana.

2. Los premios nesta convocatoria de los Premios Estraordinarios a la Conocencia de la Llingua Asturiana y del Eonaviegu na Educación Secundaria Obligatoria y Bachilleratu del Principáu d'Asturies van tar dotaos cola cantidá de 600,00 euros (seiscientos euros) por modalidá y etapa, y caún de los accésits cola cantidá de 200,00 euros (doscientos euros).

Octavo.- Solicitú d'inscripción.

Va poder solicitar la inscripción na fase de centru l'alumnáu de los centros docentes de titularidá pública y privada del Principáu d'Asturies que cumpla lo establecíu n'apartáu cuartu d'esta resolución. La inscripción ha realizase nel modelu normalizáu nos plazos establecíos nel calendariu d'actuaciones que figura n'apartáu decimoquintu d'esta resolución.

Noveno.- Celebración de les pruebas correspondientes a la fase de centru.

1. Pa la celebración de les pruebas correspondientes a la fase de centru, va constituyise un xuráu en cada centru docente participante que se va encargar de preparar, aplicar y calificar les pruebas correspondientes, según la base décima de la Resolución de 31 de mayu del 2024.

2. Cada centru docente va escoyer, si ye'l casu, un únicu candidatu o candidata ganador o ganadora de la fase de centru por etapa: 3.ª y 4.ª d'Educación Secundaria Obligatoria y/o 1.ª y 2.ª de Bachilleratu.

Décimo.- Tramitación de les solicitúes por parte de los centros docentes pa la so inscripción na fase final y documentación qu'ha presentase.

1. Los centros docentes van comunicar al Serviciu d'Ordenación Académica y Evaluación Educativa'l nome del alumnu o de l'alumna que resultare ganador o ganadora na fase de centru en caúna de les etapes, nes feches indicaes nel calendariu de la convocatoria que figura n'apartáu decimoquintu d'esta resolución; igualmente, pa entainar cola tramitación, ha unviase a evaluacioneducativa@educastur.org la solicitú d'inscripción firmada y escaniada de la persona ganadora en cada etapa na fase de centru.

2. La documentación qu'ha presentar el centru docente ha ser esto:

a) Solicitú de participación, según modelu normalizáu disponible, nel centru educativu y na sede electrónica de l'Alministración del Principáu d'Asturies (<https://sede.asturias.es>), introduciendo'l códigu PREM0034T01 nel buscador asitiáu na parte cimera derecha de la páxina mentada. Inclúyese la declaración de la persona solicitante de qu'acepta participar na fase final del procedimientu, si supera la fase de centru, de que s'atopa al corriente de les sos obligaciones tributaries y de la Seguridá Social y de que nun ye deudora de la Hacienda del Principáu d'Asturies por deudes vencíes, liquidaes y esixibles o subvenciones solicitaes amás de les concedíes cola mesma finalidá y si xustificó les subvenciones y ayudes concedíes enantes pola comunidá autónoma. Amás ha tener qu'aceptar espresamente ratificando la so participación na fase final, si supera la fase de centru.

b) Si nun se presentó al tiempu de matriculase nel centru, la solicitú ha acompañase d'una copia del documentu nacional d'identidá, pasaporte o cualquier otru documentu reconocíu llegalmente qu'acreíte abondo la identidá y la edá de la persona candidata. La documentación acreitativo ha tar vixente al tiempu d'inscribirse.

c) Les persones aspirantes con discapacidá reconocida o con necesidaes específiques d'apoyu educativu (NEAE) que precisen dalguna clas d'adaptación posible de tiempu y/o medios pa la

realización de la prueba, han formular el pidimientu correspondiente nel recuadru habilitáu nel formulariu de solicitú y presentar si ye'l casu esta documentación:

- pal casu de discapacidá: certificáu acreitativu del tipu y del grau de discapacidá emitíu pola autoridá competente.
- pal casu de NEAE: informe méxicu qu'acréite'l so diagnósticu clínicu, espidiu por un serviciu de salú o informe d'evaluación sicopedagóxica emitíu pol Departamentu d'Orientación del centru educativu onde cursare estudios o d'un serviciu especializáu d'orientación.

D'alcuerdu col artículu 28.2 de la Llei 39/2015, de 1 d'ochobre, del Procedimientu Alministrativu Común de les Alministraciones Públiques, va presumise que la consulta o llogru d'aquella documentación qu'ellaborare cualquier Alministración autorízase poles persones interesaes a nun ser que conste nel procedimientu la so oposición espresa.

Decimo.- Estructura de la prueba en dambes fases.

1. Les pruebas de los Premios Estraordinarios a la Conocencia de la Llingua Asturiana y del Eonaviegu na Educación Secundaria Obligatoria y Bachilleratu en dambes fases van constar de cuatro partes pa realizar na llingua correspondiente rellacionaes coles activadaes de llingua de: comprensión de testos orales, producción de testos orales, comprensión de testos escritos y producción de testos escritos.
2. El xuráu designáu en cada fase va ellaborar y va proponer al alumnáu aspirante dellos tipos d'activadaes de llingua adaptaes al perfil de los candidatos y candidates. La prueba, al traviés de les sos cuatro partes, va valir pa evaluar oxetiva y específicamente les destreces llingüístiques, de manera que pueda comprobare qué candidatos o candidates tienen un mayor dominiu o conocencia d'una llingua o otra.
3. La prueba de la fase de centru va realizala'l mesmu centru educativu d'alcuerdu colo estableció na Resolución de 31 de mayu del 2024, y nesta resolución de convocatoria.

Decimoprimeru.- Realización de la prueba de la fase final.

1. La prueba va celebrare na fecha y horariu indicaos nel calendariu que figura n'apartáu decimoquintu d'esta Resolución.
2. El sitiu de realización de la prueba va publicare nel portal educativu Educatur (<http://www.educatur.es>) na fecha indicada nel calendariu que figura n'apartáu decimoquintu d'esta Resolución.
3. L'horariu de celebración va publicare nel tablón d'anuncios y/o páxina web del centru sede de realización de la prueba y nel portal educativu Educatur, na fecha indicada nel calendariu que figura n'apartáu decimoquintu d'esta resolución.
4. Pa la realización de la prueba, les persones aspirantes han llevar el so Documentu Nacional d'Identidá (DNI), pasaporte o cualquier otru documentu reconocíu llegalmente, qu'acréite abondo la so identidá, amás de los preseos d'escritura necesarios, cuestión sobre la que se va informar nel portal educativu Educatur na fecha indicada nel calendariu que figura n'apartáu decimoquintu d'esta resolución.

Decimosegundu.- Calificación de la prueba.

1. El conxuntu de la prueba va calificare con 100 puntos, 25 por cada parte. Les puntuaciones parciales de los exercicios de la prueba van establecese nel mesmu cuadernu de la prueba.
2. La puntuación final va ser el resultáu de la suma de les cuatro partes y la so división por 10. Los resultaos finales van espresare con dos decimales.

Nel casu de producise un empate, va otorgase el premiu a quien tuviere más calificación nel exerciciu de Producción de testos orales; si sigue l'empate, va otorgase'l premiu a quien tuviere más calificación socesivamente nos exercicios de Producción de testos escritos, Comprensión de testos orales y Comprensión de testos escritos. Si sigue l'empate, l'axudicación del premiu va dirimise pola ordenación de les candidatures empataes, d'aluerdu col resultáu del sortéu públicu y únicu previstu pa resolver empates nel procedimientu d'almisión d'alumnáu en centros docentes non universitarios públicos y privaos concertaos del Principáu d'Asturies pal añu académicu 2025-2026.

3. Una copia del acta de calificación ha publicase pol centru de realización onde se fixere la prueba y nel portal Educastur d'aluerdu cola normativa vixente sobre protección de datos.

Decimotercero.- Presentación d'alegaciones a les calificaciones.

Contra la calificación llograda na fase final van poder presentase les alegaciones que s'estimen convenientes, al traviés d'escritu empobináu a la persona que presida'l xuráu, nel Serviciu d'Ordenación Académica y Evaluación Educativa, allugáu en Plaza d'España, n.º 5; 33007, Uviéu, nes feches establecíes pol centru y calendariu que figura n'apartáu decimoquintu d'esta resolución.

Igualmente, pa entainar cola tramitación, han unviase les alegaciones firmaes y escaniaes al corréu electrónicu evaluacioneducativa@educastur.org.

Decimocuarto.- Resolución de la concesión de los premios.

El plazu máximu pa resolver y notificar la resolución de procedimientu va ser de seis meses a cuntar dende'l día depués de publicase l'estructu de la convocatoria nel Boletín Oficial del Principáu d'Asturies.

Decimoquinto.- Calendariu d'actuaciones.

Calendariu d'actuaciones de los Premios Extraordinarios a la Conocencia de la Llingua Asturiana y del Eonaviegu na Educación Secundaria Obligatoria y Bachilleratu

FECHA	ACTUACIÓN
Fase de centru	
14 al 21 d'ochobre, dambos incluyíos.	Inscripción nel centru de les persones participantes Comunicación al Serviciu d'Ordenación Académica y Evaluación Educativa del alumnáu del centru participante nos premios.
22 d'ochobre	Publicación nel portal educativu Educastur de los centros con alumnáu inscrito na fase de centru y nel tablón d'anuncios del centru docente de la llista provisional de les persones almitíes y escluyíes a la fase de centru.
Hasta'l 27 d'ochobre	Formulación d'alegaciones contra la llista provisional d'almitíos y escluyíos na fase de centru.
29 d'ochobre	- Publicación definitiva nel portal educativu Educastur de los centros con alumnáu inscrito na fase de centru. - Publicación nel tablón n'anuncios del centru de la llista definitiva d'alumnáu almitío y escluyó, con indicación de les causes d'esclusión, si ye'l casu.

Dende'l 29 d'ochobre	Procesu de selecció, pol centru docente, del alumnú o l'alumna por cada etapa pa participar na fase final.
Hasta'l 14 de payares	Comunicación por parte de los centros al Serviciu d'Ordenación Académica y Evaluación Educativa evaluacioneducativa@educastur.org y del formulariu forms que se va activar pa eso, del alumnáu escoyío pa la fase final.
Fase final	
17 de payares	Publicación nel portal d'Educastur de: • Llista provisional del alumnáu almitío y escluyío. • Documentación y material necesario pa la realización de la prueba. • Allugamientu de la sede y realización de la prueba. • Resolución pola que se nomen les persones integrantes del xuráu de selecció de la fase final. • Horariu de celebración de la prueba. Va publicase tamién nel tablón d'anuncios y/o páxina web del centru sede de realización de la prueba.
18 de payares	Formulación d'alegaciones por parte de les persones interesaes contra la llista provisional del alumnáu almitío y escluyío. Cola mira d'entainar colos trámites, ha adelantase una copia escaniada per corréu electrónicu a esta dirección: evaluacioneducativa@educastur.org
21 de payares	Publicación nel tablón d'anuncios del centru y nel portal Educastur de la llista definitiva del alumnáu almitío y escluyío de cada centru na fase final.
24 de payares	Realización de la prueba de la fase final: Horariu: • 15:30 a 16:00. Constitución del xuráu de selecció. • 16:00 a 16:15. Convocatoria y llamamientu de los aspirantes. • 16:15 a 20:00. Realización de la prueba.
27 de payares	Xunta del xuráu en sesión ordinaria d'evaluación.
1 d'avientu	Publicación del acta de calificaciones nel portal educativu Educastur (www.educastur.es) y na sede de realización de la prueba.
Hasta'l 4 d'avientu	Presentación d'alegaciones contra la valoración final del xuráu. Les alegaciones, si les hubiere, han unviase al Serviciu d'Ordenación y Evaluación Educativa, Plaza d'España, n.º 5. 33007 Uviéu.

	Cola mira d'entainar colos trámites, ha adelantase una copia escaniada per corréu electrónicu a esta dirección: evaluacioneducativa@educastur.org .
9 d'avientu	Xunta extraordinaria d'evaluación pa la revisión, si ye'l casu, de les alegaciones.
Hasta'l 12 d'avientu	Notificación per escrito de la resolución de les reclamaciones.
Hasta'l 27 d'avientu	Propuesta de concesión de los Premios Extraordinarios a la conocencia de la Llingua Asturiana y del Eonaviegu na Educación Secundaria Obligatoria y Bachilleratu.

Contra esta resolución, que pon fin a la vía alministrativa, pue interponese recursu contencioso-alministrativu énte la Sala de lo Contencioso-Alministrativu del Tribunal Superior de Xusticia d'Asturies, nel plazu de dos meses cuentaos desde l'otru día depués de notificase, ensin perxuiciu de la posibilidá d'interposición previa del recursu potestativu de reposición énte'l mesmu órganu que dictó l'actu nel plazu d'un mes cuntáu dende l'otru día depués de notificase, nun pudiendo simultaniase dambos recursos, d'alcuerdu colo estableció n'artículu 28 de la Llei del Principáu d'Asturies 2/1995, de 13 de marzu, sobre réxime xurídicu de l'Alministración, y nos artículos 123 y 124 de la Llei 39/2015, de 1 d'ochobre, del Procedimientu Alministrativu Común de les Alministraciones Públiques, ensin perxuiciu de que les persones interesaes puedan exercitar cualquier otu que consideren procedente.

Principáu d'Asturies, a 26 de setiembre del 2025

MARÍA DOLORES BUENO ALDEA. La directora xeneral d'Inclusión Educativa y Ordenación (P.D. Resolución de 21 de mayu del 2025. BOPA n.º 102 de 19-V-2025)